

中國第一歷史檔案館藏

清代起居注冊

康熙朝

中華書局

康熙二十五年九月至二十六年四月

清代起居注冊・康熙朝

第二冊



中華書局

新學
PDG

目錄

康熙二十五年九月		一〇七一
康熙二十五年十月		一〇三五
康熙二十五年十一月		一〇四二
康熙二十五年十二月		一〇四九
康熙二十六年正月		一〇五八
康熙二十六年二月		一〇六五
康熙二十六年三月		一〇七三
康熙二十六年四月		一〇八一



康熙二十五年丙寅九月初一日壬午早

上詣

太皇太后

皇太后宮問安辰時

御乾清門聽政部院各衙門官員面奏畢大學

士覺羅勒德洪明珠王熙吳正治宋德宜學

士李光地吳興祖禪布韓奕賽弼漢葛思泰

徐廷璽郭棻吳喇代以折本請

旨兵部題叙都統趙賴老虎洞等四處軍功准給
等第

上曰賞功罰罪軍法之大權也當其圖吉安之時
趙賴不能防守汛地故韓大任得以全軍而出
諸臣曾無一人叅奏朕若復賞其功何以示天
下公韓大任渡江時有無船隻曾否堵截著兵

部問明趙賴來奏

本日

起居注官張英德格勒

初二日癸未辰時

上御乾清門聽政部院各衙門官員面奏畢大學

士覺羅勒德洪明珠王熙吳正治宋德宜學

士李光地吳興祖禪布韓茨賽弼漢葛思泰

徐廷璽郭棻吳喇代以折本請

旨兵部題叙都統趙賴老虎洞等四處軍功准給
等第明珠等奏曰臣等遵

旨傳問趙賴及兵部堂官據趙賴云吉安府城圍
困之時我所防守汛地兵丁單薄曾經啓王
韓大任等突出敗亡我同護軍統領哈克山
領兵窮追擊敗為馬寶之事將我銷去所加

之級又降一級韓大任之事

皇上寬免不曾議罪因援孫思克例請叙據兵部
堂官等云趙賴若照綠旗例尚可得官今現
任都統因照伊任議叙給予二等功牌一箇
五等功牌兩箇等第功牌一箇不應得官

上曰趙賴所行豈可與孫思克比潰敗之賊止用
二三十人擊射亦可盡令溺死江中趙賴伊所

防守汛地韓大任等突出不能堵禦勦殺今妄
自稱曾効力請叙殊属不合趙賴軍功等第不
准給又請補會典館副總裁麻爾圖常書員缺
將學士吳興祖徐廷璽吳喇代庫勒納詹事
尹泰等職名開寫綠頭簽啟奏

上曰徐廷璽尹泰著充補

本日

起居注官多奇曹承

初三日甲申早

上幸玉泉山酉時回

宮

本日

起居注官彭孫適朱都納

初四日乙酉早

上詣

太皇太后宮問安辰時

御乾清門聽部院各衙門官員面奏政事未時
御景山內前殿

賜請

安進貢蘇尼特部落杜稜郡王阿玉西二品台
吉諾爾濟四品台吉章賴等長史阿敏達賴

阿霸垓一品台吉達爾馬四品台吉魯布秦

等四子部落二品台吉勞章四品台吉毛奇

塔特等克什克沁四品台吉克勒布齊等喀

爾喀部落三品台吉達木霸等四品台吉阿

玉西等阿巴哈納爾四品台吉吳爾章等烏

朱穆泰部落都統阿穆爾扎薩克三品台吉

崔扎木四品台吉綽布海等歸化城土默特

部落副都統阿第等達爾馬達爾漢喇嘛等
食

本日

起居注官徐元夢熊賜瓚

初五日丙戌早

上御太和門視朝陞轉文武官員謝

恩次朝鮮國謝

恩陳奏正使左議政南九萬副使右叅贊李奎齡
等行禮

賜茶召南九萬李奎齡至

塔下

賜茶畢回

宮

本日

起居注官張英德格勒

初六日丁亥辰時

上御乾清門聽政部院各衙門官員面奏畢大學
士覺羅勒德洪明珠王熙吳正治宋德宜學
士李光地吳興祖禪布韓莢賽弼漢葛思泰
徐廷璽郭綦吳喇代以折本請

旨兵部題補鑲白旗蒙古都統塔爾代病故員缺

以副都統班達爾善擬正護軍統領索諾木
擬陪

上問曰伊等何如明珠等奏曰因旗分不同不甚
深知

上曰都統職任緊要著問明具奏又工部題銷筭
陵上所脩茶飯房舍等處統用銀十四萬三千二
百兩有奇照新例查筭所用浮多令內務府

總管海拉孫等賠償銀四千一百三十兩及
顏料等項

上曰脩葺所費既省而賠償銀數且又無多此浮
用銀兩及顏料等項俱著免賠啓奏畢戶部尚
書科爾坤等會同大學士勒德洪等遵

旨將直隸福建湖南四川貴州地丁錢糧數目開
載摺子呈奏